

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TATU

KIKAO CHA THELATHINI NA NNE

01 JUNI, 2016



ORODHA YA SHUGHULI ZA LEO

MKUTANO WA TATU

KIKAO CHA THELATHINI NA NNE – 01 JUNI, 2016

I. HATI ZA KUWASILISHA MEZANI:

WAZIRI WA FEDHA NA MIPANGO:

Hotuba ya Bajeti ya Wizara ya Fedha na Mipango kwa Mwaka wa Fedha 2016/2017.

MWENYEKITI WA KAMATI YA BAJETI:

Taarifa ya Kamati ya Bajeti kuhusu Utekelezaji wa Majukumu ya Wizara ya Fedha na Mipango kwa Mwaka wa Fedha 2015/2016 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2016/2017.

MSEMAJI MKUU WA KAMBI RASMI YA UPINZANI JUU YA WIZARA YA FEDHA NA MIPANGO:

Taarifa ya Msemaji Mkuu wa Kambi Rasmi ya Upinzani juu ya Wizara ya Fedha na Mipango kuhusu Makadirio ya Mapato na Matumizi ya Wizara hiyo kwa Mwaka wa Fedha 2016/2017.

II. MASWALI:

OFISI YA RAIS (TAMISEMI):

275. MHESHIMIWA BALOZI ADADI MOHAMED RAJAB (MUHEZA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Mji mdogo wa Wilaya ya Muheza ulianzishwa mwaka 2007 na ulihusisha Kata 3 za Muheza mjini za Mbaramo, Majengo na Masuguru; na tangu wakati huo umekuwa ukihudumia wananchi wake na taratibu za mapendekezo ya kuidhinisha uanzishwaji wa Halmashauri ya Mji wa Muheza tangu tarehe 10/01/2013:-

Je; ni kwa nini Serikali imechelewa kuidhinisha Muheza kuwa Halmashauri ya Mji huku ikijua kuna ongezeko kubwa la watu na Kata zimeongezeka hadi kufikia sita (6).

OFISI YA RAIS (UTUMISHI NA UTAWALA BORA):

276. MHESHIMIWA SABREENA HAMZA SUNGURA (VITI MAALUM):

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):- Kumekuwa na tatizo kubwa la mgawanyo wa fedha za TASAF ambapo wananchi wengi wasio na uwezo wamekuwa hawapati fedha hizo:-

Je, Serikali imejipangaje kutatua kero hii kwa wananchi ambao hawapati fedha hizo hususan katika Mkoa wa Kigoma.

WIZARA YA UJENZI, UCHUKUZI NA MAWASILIANO:

277. MHESHIMIWA HAWA ABDULRAHMAN GHASIA (MTWARA VIJIJINI):

Atamuuliza Mheshimiwa Waziri wa Ujenzi, Uchukuzi na Mawasiliano:- Uwanja wa Ndege wa Mtwara ulijengwa mwaka 1965:-

- (a) Je, ni lini uwanja huo utafanyiwa ukarabati mkubwa ili kuwezesha ndege kuruka na kutua bila matatizo;
- (b) Je, ni lini uwanja huo utawekewa taa ili Ndege ziweze kutua wakati wote.

278. MHESHIMIWA JEROME DISMAS BWANAUSI (LULINDI):

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya Ulinzi kati ya Tanzania na Msumbiji ni muhimu sana kwa Ulinzi na Kiuchumi:-

Je, ni lini barabara hiyo itajengwa hasa ikizingatiwa kuwa imekuwa ikiahidiwa kwa miaka mitano sasa.

WIZARA YA MALIASILI NA UTALII:

279. MHESHIMIWA DKT. DALALY PETER KAFUMU (IGUNGA):

Atamuuliza Mheshimiwa Waziri wa Maliasili na Utalii:- Mbunga ya Hifadhi ya Wembere ni Mbuga iliyotelekezwa na Serikali na kupoteza sifa za kuendelea kuwa Hifadhi na sasa inatumika na Wafugaji kulisha mifugo na Wakulima kulima Alizeti na Mpunga kwenye eneo hilo:-

Je, kwa nini Serikali isibadilishe matumizi ya Mbuga hiyo badala yake ipimwe na kutumika kwa Wafugaji na Wakulima na kuondoa Migogoro inayoendelea kati Wakulima na Wafugaji ambayo wakati mwingine inasababisha mauaji na uharibifu wa mali.

WIZARA YA ULINZI NA JESHI LA KUJENGA TAIFA:

280. MHESHIMIWA MUNIRA MUSTAFA KHATIB (VITI MAALUM):

Atamuuliza Mheshimiwa Waziri wa Ulinzi na Jeshi la Kujenga Taifa:- Kumekuwa na ongezeko kubwa la Vijana wanaomaliza Kidato cha Nne kutokana na ongezeko la shule za Kata Nchini, Vijana hawa wamekuwa wakizagaa mitaani bila kujua la kufanya na matokeo yake kujiingiza kwenye vitendo hatarishi kama dawa za kulevya, uvutaji wa bangi, wizi, udokozi n.k:-

Je, ni kwa nini Serikali isianzishe mpango Maalum wa kuwapeleka Jeshi la Kujenga Taifa Vijana wanaomaliza Kidato cha Nne nchini ili wakimaliza mafunzo waweze kujiajiri wenyewe pamoja na kuwa wazalendo.

WIZARA YA FEDHA NA MIPANGO:

281. MHESHIMIWA MATTAR ALI SALUM (SHAURIMOYO):

Atamuuliza Mheshimiwa Waziri wa Fedha na Mipango:- Wafanyabiashara wanaotoa bidhaa kutoka Zanzibar kwenda Tanzania Bara hutozwa kodi Zanzibar na wanapofika Tanzania Bara hutozwa kodi tena; Vile vile wafanyabiashara wanaotoa bidhaa Tanzania Bara kwenda Zanzibar hutozwa kodi tena Zanzibar, hali hii husababisha Wafanyabiashara kushindwa kuendelea na biashara kwani wanatozwa kodi mara mbili:-

- (a) Je, Serikali inatambua uwepo wa utaratibu wa kutozwa kodi mara mbili kwa Wafanyabiashara;
- (b) Je, Serikali ina mpango gani wa muda mfupi na wa kudumu kutatua suala la Wafanyabiashara kutozwa kodi mara mbili.

WIZARA YA MAMBO YA NDANI YA NCHI:

282. MHESHIMIWA JOHN JOHN MNYIKA (KIBAMBA):

Atamuuliza Mheshimiwa Waziri wa Mambo ya Ndani ya Nchi:- Askari Polisi wa kituo cha Polisi Wilaya ya Kimara wamekuwa wakifanya kazi katika mazingira magumu kwani kituo ni kidogo na maslahi yao yamekuwa duni:-

- (a) Je, ni wapi na lini kituo kipya kitajengwa ili kuboresha huduma na usalama Jimboni Kibamba;
- (b) Je, hatua gani zimechukuliwa kuboresha maslahi ya Askari hao ikiwa ni pamoja na kuwaongezea motisha.

283. MHESHIMIWA ALLY SALEH ALLY (MALINDI):

Atamuuliza Mheshimiwa Waziri wa Mambo ya Ndani ya Nchi:- Wapo Askari Polisi kadhaa ambao wamestaafu kwa zaidi ya miaka 20 sasa na wametumikia Nchi kwa uadilifu na uzalendo, lakini hawajalipwa stahili zao; Serikali kwa mara ya mwisho iliwasiliana nao kupitia barua CAB/336/394/01/70 ya tarehe 28 Julai, 2015:-

- (a) Je, ni kwa nini Serikali haijawajibu barua yao zaidi ya miezi sita (6);
- (b) Je, ni kwa nini suala hili halimalizwi kwa miaka yote ili wahusika wapate haki zao.

III. MISWADA YA SHERIA YA SERIKALI:

(Kusomwa Mara ya Kwanza)

Muswada wa Sheria ya Marekebisho ya Sheria Mbalimbali wa Mwaka 2016 [*The Written Laws (Miscellaneous Amendments) Bill, 2016*];

Muswada wa Sheria ya Marekebisho ya Sheria Mbalimbali (Na. 2) wa Mwaka 2016 [*The Written Laws (Miscellaneous Amendments) (No. 2) Bill, 2016*]

IV. HOJA ZA SERIKALI:

WAZIRI WA FEDHA NA MIPANGO:

Kwamba, Bunge sasa likubali kujadili na kupitisha Makadirio ya Mapato na Matumizi ya Wizara ya Fedha na Mipango kwa Mwaka wa Fedha 2016/2017.

DODOMA
01 JUNI, 2016

DKT. T. D. KASHILILAH
KATIBU WA BUNGE